

**Nwa' wvu bokaŋ bofεε wvu**  
**Bitá**  
**Fiεε fi nu ê Nwa' Bitá wvu**  
**bokaŋ bofεε wvun e**

Nwa' Bitá wvu bokaŋ bofεε wvun nu ε wvú to saŋ fô bonyii bo mbee le bo fwele le, ε bó ε ce ε kenεn won tfoo. Shiee nwa' wvun baay to nu keediu lemme di bonyii bo n'yεεyi le bo mbiay e to ghane gee, bô keediu nce nnyεn kenjaŋ wvù n'yεεyi bonyii ban to too dvú le le wvú eka. Bitá saŋ nwa' wvun baay taale ε è nu fiεε fi bonyii bo n'yεεyi le bo mbiay e ban to duu le ke Jisos bεε ke ebvuu ekase eto ke. Wvú jemyi le fiεε fi gee ε Jisos se dvuyte keeto nu njefo ke Nyo' gomte le wee mvu ke ela ke.

*Bikuu bi mwεεm e ê nwa' wvun e*

1:1-2 Kenkewce

1:3-21 Nce bonyii bo Klistu le

2:1-22 Ekume kenge ke bonyii bo n'yεεyi le bo mbiay e noo ngew wvù nu ke eto fô bó le

3:1-18 Diuu di Klistu nu ke ekase eto

<sup>1</sup> ε nu me wvù Semon Bitá, waa lemme Jisos Klistu noo waa we ntum. Me nsaanke nwa' wvun fô ben bô kenke mbee wvù kuuke lenlen diewe wvù bese kenke le. Jisos Klistu wvù nu Nyo' noo Mboyse wesebene ké no gee mwεεm teytey. ε nu nje fifin wvù ben kenke mbee ε wvú nu lenlen diewe wese le. <sup>2</sup> Nyo' ebvuu ebuw ben bô kembonen naa ntay,

ebvuu enya ben bô mvuntelem mvù lætene naa ntay, njefo ben kee wvú wvù Nyo' bô Jisos wvù nu Tata wesebeene.

*Nce bonyii bô Nyo' nu ε tee wase ε caw e*

<sup>3</sup> Mvunḡay mwew mvù è nu mvu Nyo' le nu ε ge wase beene ε keḡke mwεεm mvunciim mvù nulo ege é beene ekeḡke nshii wvù mεy lo, noo keecee nce bonyii bo Nyo' le. Mvú ge nonεn no beene nu ε kiεε Nyo' wvù nu ε tee beene keeley bvukuke bô bvujonḡe bvù è nu bwew e. <sup>4</sup> No wvú ge nonεn, beene ε mum ε keḡke mwεεm mvù kuuke baay bvuu jee fele mwεεm mvunciim ε è nu mvù wvú to kawεε. Mwεεm mvun nu keege wvu læ ben elewtè mwεεm mvu yî wonḡ wvun e mvù nyam ye shieele mvù beete bô bonyii. Nonεn é ben emum ekeḡke nce ε è nu we wvù Nyo'. <sup>5</sup> No fí nu nonεn ben emum emom ntay keebise nce wvù jee yî fitele fi ben lese yî Klistu le. Yî nce wvù jee le, é ben ebise bvufee bvú Nyo' le. <sup>6</sup> Yî bvufee bvú Nyo' le é ben ebise bikuu bì kemseεn. Yî bikuu bì kemseεn e, é ben ebise shém yî kuulεεn. Yî shém yî kuulεεn e, é ben ebise nce wvù è nu wvu bonyii bo Nyo' le. <sup>7</sup> Yî nce wvù è nu wvu bonyii bo Nyo' le, é wee ekeḡke shen fô waa bwee le. Yî shen e fô waa bwee wee le, é ben ebise keḡkonḡen. <sup>8</sup> Me ḡgayte nen njefo, é ben keḡke wvun nce, ε no ḡene dvú fwe fwe, é wvú ege é ben saa ebvuu enu ke lo nen ncεw kenεε enu diεwε bonyii bô nulo saa ege fiεε diεwε bonyii bô kee fiεε ekumε Tata wesebeene wvù Jisos Klistu le ke. <sup>9</sup> Ben ekeè læ é wee baa ekeḡke wvu wvun nce tu wvú nu

**1:3** 1:16-17; Εfe 1:3    **1:4** Lum 5:2; Jem 1:14-15    **1:5** Tay 2:11-12

**1:6** Gal 5:22-23    **1:7** Gal 6:10

ε fefe wase yí mwεεm mvu Nyo' le, ε wvú yaa bvuu yene mwεεm e ncejole κε. Wvú nu ε daayε wase le bibefe biew bì wvú to shee gee fwele nu ε Nyo' to cukε wase.

<sup>10</sup> Boom bo bwεεm e, fí ε mum ε no nu le ben emum emomtè ntay keegeε mwεεm ε è nu mvù dunji le Nyo' to nu ε tee wase ben, caw. Ε ben gee nonen ben saa ke eyuu egbwe yí mbee wene le κε.

<sup>11</sup> Nonen é bó ke eyene je fô ben e ε yì kuuke nen gbwuuu, é ben eley bvunfon bvù mεy lo bvú Tata wesebeene wvù Jisos Klistu wvù Mboyse le.

<sup>12</sup> Me ηkee le ben kee wase mwεεm mvun, leeme ten yí keceey kè ben to yuwεε le temyi, geenε ε me ηgomte ke keembvuu ηkumyi ben ekumε mvú sekecii. <sup>13</sup> Me n'yεne le fí nu leη nonen le me enkamsè ben ekumε mwεεm mvun no me mbεε dvú n'yoyte wvu le ben ekumyi, <sup>14</sup> njefo me ηkee lo le è shεεte wase caan é keyoy ecinε nyam ye le no Tata wesebeene wvù Jisos Klistu nu ε ge wase me ε ηkieε le. <sup>15</sup> Me ε mum ε no ηgomte keemom naa ntay le seke me ε ηgen wase é ben enu wvù è nulo é ben ekumyi mwεεm mvun sekecii.

*Saaka wvu ekumε nto Jisos nu fiεε fi bonyii nulo egεε bvufee yí dvú le*

<sup>16</sup> Ben ekeè le ke mwεεm mvun mvù bese to jemyεε ê ben ekumε mvun gay mvu Tata wesebeene wvù Jisos Klistu le noo nto we wvù wvú nu ke ekase eto, to nu ke lo mvumanjgaan ε bonyii ε bosεn ε seyse ε bese maa ê ben κε. Bese to nu ε yen naa bvukukε bwew e bô ejise eyese. <sup>17</sup> Ε to nu seke

Nyo' Ice to buwεε wvú bô mbense noo bvukukε, ε diεw buy fô wvú wvù nu Nyo' Bvukukε le jemyi le, “Wvun nu Waa wεm, wvù nu fitele fiem. Me n'yuuke njoŋ bô wvú baay.” <sup>18</sup> Bese kebεε to nu ε yuw diεw yin no yí shiile too we seke bese to nu bee bo Jisos yî kum Nyo' le. <sup>19</sup> No bese yuw nonεn, mum mεse kiεε kecεεy ke fiεε fi bonyii bo ntum Nyo' le to jemyεε ε è bεε naa lo. Ε fí jee le ben egεε bvufee yî fiεε fidvu le ntay, njefo fí nu diεwε ken'yeese le kè baa ê εjiwε le egεn ebuy Diuu di εkfuŋ nu ke eyuu, é Jisos ebaa fô mvuntelem mvunεn e diεwε law e. <sup>20</sup> Fiεε fi kuuke fele mwεεm mvunciim nu le ben ekeè le, ke ntum Nyo' mvu nu dvú ê N'wa' Nyo' le wvù wee nulo eteete bô bwew bvufee ke. \* <sup>21</sup> Kε wee ntum Nyo' to baa jemyi naa lo fiεε fi è nu ηkpwawceε wee wvu wum ke. Ε to gee Keyoy ke Yuule ε bó se jemyi diεw yì buyte fô Nyo' le.

## 2

### *Bonyii bo n'yεεyi le bo mbiaye*

<sup>1</sup> Kε leŋleŋ no bonyii bomew to nu dvú fwele ê bonyii εnteleŋ bô to mbiayte le è tum Nyo' bó, è nu ke tεn no bonyii bo n'yεεyi le bo mbiay e nu enù ê ben εnteleŋ. Bó nu ke ewεεntεn eto bô n'yεεyi mvu wvù nulo ebefe bô bonyii, elese ê diεw Nyo' le emum emaa naa lo Cee Ekole wvù to kpweε keesum bó. Bó nu ke ege nonεn emum eto lo bô ηγεw kaŋ mwaan elan yî bikuu bibole. <sup>2</sup> Bonyii

---

**1:19** Mben 119:105; Lum 1:2; 13:12; 1Bi 1:10-11 \* **1:20** Kεnεε le, “Kε wee ntum Nyo' to nu ε jeme fiεε fi è nulo é wee cεε kinyi kedvu bô bwew bvufee ke.” **1:21** 2Tim 3:15-16 **2:1** Jut 4-13 **2:1** Mat 7:15

nteen nu ke ebenen nce wvubo nnyen e, é fifin ege é bonyii ejemyi díew yì befe ekumε je yi kecεεy. <sup>3</sup> Ken'yεε ejise ke mwεεm e nu ke ege é bó efii mwεεm can yene le bô binfe bi mbiay e bì bó nu ε seyse. Bonyii bodvu ban nu ε Nyo' to seyse wase ηγεw wvubo ε è beε lo, ε wvú nu ke fó cεyte bó.

<sup>4</sup> Ben ekeè le Nyo' to baa bawce bonceendaa ba bò to geε kebefε ke. Wvú to nu ε shike bó ε bó gen bvudvuu bvυ ηγεw e, lese bó yì boncaw e ê bintuke bi jiime nen taytaytay e, fô bó nu enù egen ebuy diuu di nsaw e. <sup>5</sup> Wvú to baa ebawce ten won wvu fwele seke wvú to ciinsεε joo ε yì to mi won bonyii bò to maa lo wvú ke. Wvú to nu ε bawce ke ε è nu Noa' wvú to fewci le bonyii eceè nce wvu teytey ê Nyo' ejise, noo bonyii bomew bososhwi. <sup>6</sup> Wvú to nu ε fiwse kelaante kè Sodom bô kè Gomola ton bô ηguy ε bí fie bvuw, ge ε fifin no nu díewe kenfewsεn ke fiεε fi nu ke ekooy bô bonyii bò maa lo Nyo' le. <sup>7</sup> Geenεn, boyse Lot wvú to cee nce wvu teytey ε shém looci ffuuke wvú bô nce nnyen wvú bonyii bò befe to keηke. <sup>8</sup> (Mwεεm mvù wee wvu teytey wvun to yene bvuu yuuke no wvú to cee ê bó entelen to nu ε ge ε fitele fiew fi yuule no ton'yi εdiuw εcii yì gee dibole di befe le.) <sup>9</sup> ε mwεεm mvun to nu ε kooy nonεn, tu fí duñci le Tata kee keeboyse bonyii bó yuuke wvú le can ηγεw e, bvuu kee ten keεεε bonyii bò cee nce wvú yaa nu ke wvu teytey yì ηγεw e, egen ebuy diuu di nsaw e. <sup>10</sup> Nγεw wvun nu ε wvu bonyii bomew nu ke efey naa lo wvu wee tfuu. Boba bonyii nu bò koonke

---

**2:3** 1Tim 6:5    **2:4** Jut 6    **2:5** 3:6; 1Bi 3:20    **2:6** Kej 19:24-25;  
Luk 17:29; Jut 7    **2:7** Kej 19:1-16    **2:9** Job 4:7; 1Kol 10:13; Mwm  
3:10    **2:10** Jut 7-8

keebii κε ε è nu fiεε fi ye yibo yi ηεyte shieele ε è nu fi beete bô wee. Ε è bvuu nu bó bô joo wee wvù saake bonyii εκuse.

*Nyo' nu ke elεε bonyii bo n'yεεyi le bo mbiay e*

Bonyii bo n'yεεyi le bo mbiay e ban ηaake baay. Bó bensee ye baay, yaa fane naa lo keenan'yi biyoy bì κεηκε mvunγay fele bó κε. <sup>11</sup> Naa κε bonceendaa bo Nyo' le bô κεηκε mvunγay bvuu temyi fele bó yaa ke mom nan biyoy bin fwe dvu Tata κε. \*

<sup>12</sup> Geenεn bonyii ban gee mwεεm ε è nu mvù ελεμε kebole gomte diεwe nyám yi ηkpwaante yi ké no gee mwεεm se yí kpawaci lo, ε yí nu κε ε bonyii ke ekooye eσεεyε ló le. Bonyii bodvu ban nu bô nan'yi mwεεm se bó kee mvú ηkuuη. Nyo' nu ke elεε bó κε diεwe nyám yi ηkpwaante yin e, <sup>13</sup> é nlawma wvubo enu ηγεw wvù bó nu eyene nje ηγεw wvù bó se too dvú. Bó ké no kpwaake ε keediekene bvuu wukene kenduun e εmvunsheen ηntelen η nu lo ηjη mvu fô bó le. Bó nu lo yile ê ben ηntelen yiise ben. Seke ben ε bó diekene, ε bó no yuuke ηjη keelεεle ben bô gee dibole di kenshoose le. <sup>14</sup> Ejise εbo ké no nu κε ε è nu yo kenjan, yaa ffuule yî kebefε le κε. Bó ké no lewci bonyii bô wεεyi yî mbee le ε bô bó gee kebefε. Ken'yεε ejise nu ε ley wase yî ελεμε kebole. Bó nu ε jo wase lon! <sup>15</sup> Bó nu ε cinε wase je yi len e ε jo ε è nu yi εcici. Bó nu ε jo εκale ke Balaam wvù waa Bεwu le wvù to nu ε bee keege fiεε fi yaa nu κε len nje wvù to koonke bigew e. <sup>16</sup> Ε kembεεbey wameη wvú yi fiεε fi befe

---

**2:11** Jut 9 \* **2:11** Keηεε λε, "... nan bonyii bo n'yεεyi le bo mbiay e κε." **2:12** Jut 10 **2:13** Jut 12 **2:14** Mat 5:28; 2Tim 3:6  
**2:15** Ktn 22:7, 17; Jut 11 **2:16** Ktn 22:28-31

fin e. Kεmbεεbey kè ké no nu se kí jemyi lo, ε kí jeme diεwε wee wvu wum e, ci gee di kejewtε le di wee ntum Nyo' wvun to gee.

17 Boban bonyii bo n'yεεyi le nu diεwε diuw joo wvù joo baa bvuu buyte fó le κε, bvuu nu diεwε kekfu kè nu ε gbwe εκfuη nffum ε fey ε tuu le. Nyo' nu ε seyse wase bvudvuu bvυ ηgew e ε bvù jiime nεn taytaytay, ε γεε ê bó. 18 Bó kumte diuw wvu εcici baay se kinyi ηkuuη. Bó lewci bonyii bò bεε buy κε lo εnte jo bonyii bò yaa kee κε fiεε fi leη bó n'yεεyi wvu le è nulo é bó ekase egee mwεεm mvu nnyen e mvù ye yibo yì ηeyte shieele. 19 Bó jaa no jemyi ê bonyii le κε bó κεηke keenu bonfaw bò fiεε fimew e κε, geenεn ε bó bodvu kebεε bò jemyi bεε naa bonfaw bo mwεεm mvù beete bò ye wee le. Bó nu bonfaw njefo é wee nya εkolε kew ê fiεε tu wvù nu nfa fiεε fidvu. 20 Ben ekeè le é wee lewte wase mwεεm mvù beete bò wee yî won wvun e nje wvù kee wase Tata wesebeene wvù Jisos Klistu wvù Mboyse wesebeene, ε kase ε γεn ε ley mwεεm mvudvu le, mvù ε njim wvù ε no κεηke, é mwεεm efo yî ye le efey lo no mvù se shee nu fwele. 21 ε wee ge nonεn tu fí bejee le fo mwεtεn eyaw ekiεε je nce wvu teytey κε, efey keekiεε ebvuu ekase ecine bonci bò yuule bò bó nu ε nya ê bonyii le. 22 Kfuu boba bonyii gee ε fiεε fi nu ê ηgan e mum nu kecεey le, “Bwe ké suuke mwεεm kase bvuu tu fó die.” ε wvumvu bvuu nu le, “Bó ké cuke ηkunyam ε wvù kase κε γεn no binlene ê kencaa le.”

2:17 Jut 13      2:19 Jon 8:34; Lum 6:16      2:20 1:11; Mat 12:45

2:21 Luk 12:47-48      2:22 Bηgn 26:11

### 3

#### *Diiu dì Tata nu ke eto*

<sup>1</sup> Nsáa yem shém, ñwa' wvu keseen wvun nu wase wvu bokanɔ bofɛɛ wvù me nsaɔ fô ben e. **Ɛ** boɔwa' ban e bocii nu ɛ me nsaɔ diɛwɛ ntamcɛ le keenkamse ben é ben ekeɔke boɔkpawɔcɛ bo leɔ. <sup>2</sup> Me ñgomte le ben ekumyi mwɛɛm mvù bonyii bo ntum Nyo' le bò yuule to jemyɛɛ le mvú nu ke ekooy, ebvuu ekumyi ten mwɛɛm mvù boom bo ntum e bo Jisos e to jemyɛɛ ê ben le Tata bô Mboyse nu ɛ gay le ben egeé. <sup>3</sup> Fiɛɛ fi baay nu le ben ekieɛ le è nu ke edioo nu ediuw yo fokemese le, é bonyii bo kensɛwse le enɛ ekɛw esɛwsee ben, gee mwɛɛm mvù nyam ye yibo gomte. <sup>4</sup> Bó nu ke esɛwsee ben duu le, “Kɛ wvú to nu ɛ kaw le wen nu ke ekase eto, wvú ɛ fɛɛ keseen? Naa no bo'icee bosɛɛbeene to yuuɛ kpweken, mwɛɛm mvunciim leeme ke bikaa le no mvú to shee nu ɛ kɛw foɔkɛw no Nyo' to bomɛɛ woɔ.” <sup>5</sup> Bó jemyi nonɛn kee ke naa ntay sɛ tune le Nyo' to jeme ke ɛ è nu diɛw fwele ɛ ebule mum no nu. **Ɛ** wvú jeme ɛ nshɛ buy ê joo, ɛ wvú to ge nshɛ yidvu bô joo. <sup>6</sup> **Ɛ** wvú ke kase jeme ke ɛ è nu diɛw, ɛ joo ban nshɛ yidvu yi yí to gee ɛ yí buy, mum lɛse mwɛɛm mvunciim. <sup>7</sup> **Ɛ** nu ke ten diɛw yidvu yi wvú nu ɛ gee ebule ke keseen bô nshɛ, ɛ no cɛyte ñguy dvú. **Ɛ** wvú cɛyte ɛ è nu diuu dì wvú nu ke esaw bonyii bò maa lo wvú, elɛse bó.

<sup>8</sup> Geenɛn nsáa yem shém, fo ben edaayi le fô Tata le nu ɛ diuu dimwaanɔ nu ke leɔleɔ diɛwɛ bilum

---

**3:1** 1Bi 1:1    **3:2** Jut 17    **3:3** Jut 18; 2Tim 3:1    **3:4** Yeli 17:15;  
 Esek 12:22; Mat 24:27, 48-51    **3:5** Kej 1:6-9; Ibu 11:3    **3:6** 2:5;  
 Kej 7:11-21; Mat 24:37-39    **3:8** Mben 90:4

ntfuke le, ε bilum ntfuke nu κε ληληη diεwε diuu dimwaan e κε. <sup>9</sup> Ke Tata guute lo ye no bonyii bomew kpwaake, keege no wvú to kawεε κε. Wvú kuule ε è nu shém bô ben. Wvú shieele le bonyii bocii ekumεn mvuntelem mvubole njefo κε wvú gomte le wee mvu ke ela κε. <sup>10</sup> Diuu di Tata nu ke ekase eto nu ke enu κε diεwε di cooη e. Ebvubwe nu ε εbulε nu ke edvûm foweεwe emum ela, é ηguy ebuηse mwεεm mvunciim mvù nu we, é nshε bô mwεεm mvù nu yî dvú le efie ebvuw.

<sup>11</sup> No ηguy nu ke efiese mwεεm mvunciim ê yiyin je le, ben kpwaake le ben nulo ecee nce ε è nu wvu nεε? Ben κεηke keecee nce ε è nu wvù yuule ε ben ε nya bikuu binεn ê Nyo', <sup>12</sup> ε no cεyte Diuu di Nyo' le din, momte keege le dí eyanηεn eto. E nu diuu di ηguy nu ke efiese εbulε é kí efie, é mwεεm mvunciim mvù nu we ebuη. <sup>13</sup> Geenεn, beene cεyte ε è nu εbulε ke kefe bô nshε yi fie yì Nyo' to kawεε, ε wvuwwun woη nu wvù è nu ke enu κε nce wvu teytey fó maη.

<sup>14</sup> Nonεn nsáa yεm shém, no ben cεyte mwεεm mvun nεn, ben emomtè naa ntay keenu se nlom kenεε fieε fimew fi befε ê Nyo' εjise, noo keenu yî kenλετεn e ben ε bo Nyo'. <sup>15</sup> Ben ekumyì le Tata wesebeene kuule shém nεn, nyaa ε è nu kefew ê bonyii le bó ke eboy. Fieε fin nu κε fi waa bwee wesebeene wvù Baul wvù nu fitele fisεεbeene to saηεε fô ben e bô bvufee bvù Nyo' nu ε nya ê wvú le. <sup>16</sup> E boηwa' bocii bô wvú saη e nu ε wvú jemyi κε jó ekumε fieε fin. Wvú saηke mwεεm mvumew

ε mvú temyi fô bonyii le keekiεε, nonεn ε bimaante bi bonyii le bò yaa kee κε fò bó leeme mum toysee kenyi ke mwεεm mvudvu le, ε è nu κε ληληη no bó toysee tεn mvu ê mondvuum momew e ê N̄wa' Nyo' le. Bó gee nonεn, teηε ε è nu ηγεω yî bikuu bibole.

<sup>17</sup> Nsáa yεm shém, no ben kee wase mwεεm mvun nεn, ben emum eyεnè fo bonyii bò maa lo Nyo' ban ke egufe ben bô gee dibole di befe é ben enε fô ben leeme wase ekase egbwe lo. <sup>18</sup> Geenεn, ben ekuù lo yî mbuwma wvù Tata wesebeene wvù Jisós Klistu wvù Mboyse wesebeene nu ε buw ben dvú, ebvuu ekeè wvú gεne lo fwe fwe. Mbense enù fô wvú le keseen noo sekecii σε ηka. Fí enù nonεn.

**Nwa' Nyo' Monkan mo Monfem  
New Testament in Noone (CM:nhu:Noone)**

copyright © 2011 Wycliffe Bible Translators, Inc.

Language: Noone

Translation by: Wycliffe Bible Translators, Inc.

**Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Noone

**© 2011, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

---

PDF generated using Haiola and XeLaTeX on 11 Nov 2022 from source files  
dated 29 Jan 2022  
5b12a3f8-7a2a-5b6f-b1da-1bf94b13fc2e